

## МЕТАФОРА ФЕНОМЕНИНИ МИЛЛИЙ МАДАНИЯТНИНГ ИНЬИКОСИ СИФАТИДА ТАДҚИҚ ЭТИШНИНГ ЗАМОНАВИЙ ЙЎНАЛИШЛАРИ ВА ТАРЖИМАДА ҚАЙТА ЯРАТИШ МУАММОЛАРИ

Зилола Нарбаевна ХУДАЙБЕРГЕНОВА

Филология фанлари доктори, профессор

Бартин Университети, Турция

## СОВРЕМЕННЫЕ ПОДХОДЫ ИЗУЧЕНИЯ ФЕНОМЕНА МЕТАФОРЫ В КАЧЕСТВЕ ОТРАЖЕНИЯ НАЦИОНАЛЬНОЙ КУЛЬТУРЫ И ПРОБЛЕМЫ ЕЁ ВОССОЗДАНИЯ В ПЕРЕВОДЕ

Зилола Нарбаевна ХУДАЙБЕРГЕНОВА

Доктор филологических наук, профессор

Университет Бартин, Турция

## MODERN APPROACHES TO STUDY OF THE PHENOMENON OF METAPHOR AS A REFLECTION OF NATIONAL CULTURE AND PROBLEMS OF ITS RECREATION IN TRANSLATION

Zilola Narbaenva KHUDAYBERGENOVA

Doctor of philological Sciences, Professor

Bartin University, Turkey [aloliz74@mail.ru](mailto:aloliz74@mail.ru); [zkhudaybergenova@bartin.edu.tr](mailto:zkhudaybergenova@bartin.edu.tr)

---

UDC (ЎУК, УДК): 911.512.19.

For citation (иқтибос келтириш учун,  
для цитирования):

Худайбергенова З. Н. Метафора  
феноменини миллий маданиятнинг  
инъикоси сифатида тадқиқ этишнинг  
замонавий йўналишлари ва таржимада  
қайта яратиш муаммолари// Ўзбекистонда  
хорижий тиллар.— 2020.— № 4 (33).—  
Б.175-185.

<https://doi.org/10.36078/1605533742>

Received: August 20, 2020

Accepted: October 17, 2020

Published: November 10, 2020

Copyright © 2020 by author(s) and Scientific  
Research Publishing Inc.

This work is licensed under the Creative  
Commons Attribution International License  
(CC BY 4.0).

<http://creativecommons.org/licenses/by/4.0/>



**Аннотация.** XXI асрда юзага келган тилшуносликнинг янги  
йўналишлари тил ҳодисаларини янги нуқтаи назарлар,  
мезонлар, мөъёrlар асосида тадқиқ этишни тақозо этади.  
Тилшунослик ва маданиятшунослик фанларининг ўзаро  
кешишуви сифатида майдонга келган лингвомаданиятшунослик  
соҳаси “дунёнинг тил манзараси”, “концепт”, “дискурс” каби  
янги тушунчаларнинг истеъмолга киритилишига сабаб бўлди.  
Янги тушунчалар, ўз навбатида, тил ҳодисаларини “инсон + тил  
+ маданият” призмаси орқали ўрганиш заруратини яратди.  
Метафора анъанавий тилшуносликда маъно кўчишининг  
усулларидан бири сифатида тадқиқ этилган. Тилшуносликнинг  
стилистика бўлимида эса метафора нутқнинг безаги, фикр  
ифодалашнинг ўзига хос шакли экани эътироф этилади.  
Лингвомаданий тадқиқотлар доирасида майдонга келган илмий  
қарашлар метафорани маълум бир халқнинг миллий, ўзига хос,  
специфик дунёқарашини ифода этувчи муҳим воситалардан  
бири тарзида ўрганишнинг долзарблигини кўрсатди. Метафора  
миллий дунёқарашни ифодаловчи воситалардан бири эканлиги,  
уларни таржимада қайта яратишда таржимон олдига мураккаб  
вазифани қўяди. Ушбу мақолада метафорани англаш ва дунёни  
ифода этишнинг специфик усули сифатида тадқиқ этишнинг  
замонавий йўналишлари тадқиқ этилди. Бу ўринда метафорани  
шакллантирувчи унсурлар, метафораларнинг турлари, уларни  
таржимада беришнинг ўзига хос хусусиятлари, муаммолари

ўрганилди. Метафоранинг ўзига хосликлари ва таржимада берилиш масалалари турк ёзувчиси Рашод Нури Гунтекиннинг “Муҳаббат симфонияси” романинг турк ҳамда ўзбек тилларидағи нусхаларидан олинган мисоллар орқали таҳлилга тортилди.

**Калит сўзлари:** метафора; лисоний метафора; бадий метафора; таржима; метафора компонентлари.

**Abstract.** New trends in linguistics in the XXI century require the study of language phenomena based on new perspectives, criteria, and norms. The field of linguistic and cultural studies, which emerged as the intersection of linguistic and cultural studies, has led to the emergence of new concepts, such as “language picture of the world”, “concept”, “discourse”. New concepts, in turn, created the need to study language phenomena through the prism of “man + language + culture”. It is generally known that metaphor has been studied in traditional linguistics as one of the ways to convey a figurative meaning. In the stylistic section of linguistics, a metaphor is defined as a decoration of speech and a peculiar form of expression. Scientific views that have appeared in the field of linguistic and cultural studies have shown the relevance of studying metaphors as one of the important means of expressing the national, specific worldview of a particular nation. The fact that metaphor is one of the ways to express national worldviews makes it difficult for the translator to recreate them in translation. This article explores modern approaches to the study of the phenomenon of metaphor as a specific type of perception and understanding of the world. It also analyzes the elements that form the metaphor, types of metaphors, methods and problems of transferring metaphors in translation. Features of metaphors and problems of their translation are analyzed using examples taken from the Turkish and Uzbek versions of the novel “Symphony of love” by the famous Turkish writer Rashad Nuri Guntekin.

**Keywords:** metaphor; linguistic metaphor; literary metaphor; translation; metaphor components.

**Аннотация.** Новые тенденции в лингвистике в XXI века требуют изучения языковых явлений на основе новых перспектив, критериев, норм. Область лингвокультурологических исследований, возникшая как пересечение лингвистических и культурных исследований, привела к появлению новых понятий, таких как «языковая картина мира», «Иконцепт», «дискурс». Новые концепции, в свою очередь, создали необходимость изучения языковых явлений через призму «человек + язык + культура». Общизвестно, что метафора изучалась в традиционной лингвистике в качестве одного из способов передачи переносного значения. В стилистическом разделе лингвистики метафора определяется в качестве украшения речи и своеобразной формы выражения. Научные взгляды, появившиеся в области лингвокультурологических исследований, показали актуальность изучения метафоры как одного из важных средств выражения национального, специфического мировоззрения конкретной нации. Тот факт, что метафора является одним из способов выражения

национального мировоззрения, ставит перед переводчиком трудную задачу по воссозданию их в переводе. В данной статье исследуются современные подходы к изучению феномена метафоры в качестве специфического типа восприятия и понимания мира. Также анализируются элементы, образовывающие метафору, типы метафор, способы и проблемы передачи метафор в переводе. Особенности метафор и проблемы их перевода анализируются на примерах, взятых из турецкой и узбекской версий романа известного турецкого писателя Рашида Нури Гюнтекина «Симфония любви».

**Ключевые слова:** метафора; лингвистическая метафора; литературная метафора; перевод; компоненты метафоры.

**Кириш.** Анаънавий тилшуносликда таржимани тиллараро ўзгартириш жараёни, бир тилдаги матнни бошқа тилга трансформацияси, бир тилдаги матнни иккинчи тилдаги мұқобил матн билан алмаштириш, бир тилда баён этилган фикрларни бошқа тил воситалари билан етказиш жараёнлари ўлароқ қабул қилинади. Таржимашуносликда когнитив ва психолингвистик йўналишнинг тараққиёти натижасида таржиманинг адекватлиги, асл нусхага мослиги, авваламбор, тил ўртасидаги фарқларни тушунишга эмас, балки муаллиф матни мазмун-моҳиятини тушуниш, концептуал тизимлар мазмунидаги фарқлар, когнитив структураларнинг мутаносиб эмаслиги билан белгиланадиган коммуникантлар онгининг, яъни миллий ўзига хос компонентларнинг мос келмаслигини англаш билан изоҳланади.

Таржима назариясида метафоралар таржимасига машаққат талаб этувчи масалалардан бири сифатида қаралади. Бу масалага багишиланган ишлар ҳар доим долзарблиқ касб этади, зеро, бадий асар таржимони кўпинча метафораларни таржимада айнан бериш борасида қийинчиликка дуч келишади. Сифатли таржимани амалга ошириш учун таржимон таржима назарияси бўйича керакли билимга, амалий таржима қилиш кўникмаларига ҳамда таржима қилинаётган асар ҳалқи маданияти ҳақида маълумотга эга бўлиши зарур.

Метафоранинг мазмунини, мақсад ва вазифаларини белгилаш учун уни, авваламбор, англаш зарурати юзага келади. Англаш масаласи тилшуносликда турли аспектларда ўрганилган. Замонавий илмий адабиётларда англаш жараёнини ифодаловчи турли атамалар учрайди. Ушбу атама билан жараённинг ўзи ҳам, натижаси ҳам номланиши мумкин (9, 12). Бундан ташқари, “идрок қилиш” атамаси мавжуд бўлиб, бу атама “англаш”нинг синоними сифатида қабул қилинади, шунингдек, англаш жараёни босқичларини белгилаш учун қўлланилади. А.И. Новиковнинг қайд этишича, “идрок этиш” атамаси остида кўпинча англаш жараённинг бошланғич босқичи тушунилади (12, 16). А.А. Залевскаянинг фикрига қараганда, индивид руҳий фаолиятининг умумий қонуниятларига мувофиқ равишда, биринчи навбатда, уни йўналтираётган ғоялар, эътибори қаратилган йўналишлар, шахсий қарашлар, вазият ва бошқа бир қатор омилларга кўра ўзи кутаётган ёки истаётган нарсасини кўради (9, 249). Мазкур мақолада бадий адабиётни реципиент билан ўзаро таъсири эмас, балки уни англаш натижаси ўрганилади, шу сабабли “англаш” атамаси “натижа” маъносида қўлланилади. Яъни реципиент — таржимон бадий асарда қўлланилган метафораларни тушундими, қанчалик тушунди, метафораларнинг орқа планида қандай мазмун яширинган бўлади, таржимон уни чет тилида қай даражада яратиб бера олиши керак, деган саволларга жавоб излаймиз. Чунки метафорани англаш

даражалари турлича бўлиши мумкин. Таржимоннинг вазифаси эса таҳлил босқичида образнинг функционал доминантасини тўғри аниқлаш ва таржимада уни етказиб беришга ҳаракат қилишдан иборат (10, 144; 11, 98).

А. Вежбискаянинг таъкидлашича, маданий ўзига хослик маданий универсалияларнинг мавжуд бўлишини талаб этади. Ҳар қандай солиштириш умумий ва хусусий белгиларни тақозо этади (5, 270–274). Метафора — тилдаги универсал ҳодиса бўлиб, образлилик категорияси ҳам тил универсалиялари қаторига киради. Метафора образлиликни ифодаловчи воситалардан бири сифатида барча тиллар ва барча даврларга хосdir.

Метафорада тил таалуқли бўлган миллий маданиятни бевосита акс эттирувчи экстралингвистик мазмун мавжуд бўлади. Миллий-маданий компонентни ўз ичига олган бирлик ҳисобланувчи метафорани таржима қилиш таржимондан фон билимларини тадқиқ этиш, турк тили эгалари дунёси манзарасининг ўзига хос хусусиятларини белгилаб берувчи маданий, боғланишли ассоциациялари каби қатламини чуқур ўрганиш талаб этилади.

Мазкур мақолада маъно кўчиш усулларидан бири саналган метафорани миллий дунёқарашни акс эттирувчи феномен сифатида тадқиқ этилишига доир фикрларни таҳлил этиш, бу тил ҳодисасини тилшуносликнинг янги йўналишлари нуқтаи назаридан таърифлаш ва таснифлаш масалаларини ўрганиш ҳамда метафораларни таржимада бериш, миллийлик унсурини қайта яратишнинг муаммоларини ўрганиш мақсад қилинган.

**Асосий қисм.** Аньанавий тарзда олганда, метафора воқеълик объектларини англашнинг асосий усулларидан бири, сўзлар, янги маъноларини ҳосил қилиш манбаси, образли нутқ ёки поэтик нутқнинг доимий захирасидир, демакки, метафора учун когнитив, номинатив, характерловчи ва бадиий вазифалар хосdir.

Замонавий когнитив тилшунослик метафоранинг юқоридаги аньанавий таърифидан бутунлай воз кечади. Яъни улар метафорани қиёслаш усули, нутқни безаш усули деган таърифни инкор этишади. Шунингдек, генератив лингвистикадаги метафорага икки чуқур базавий структураларнинг ўзаро таъсири сифатида таърифланган таърифга ҳам қўшилишмайди (Н. Хомский, Л.Н. Мурзин ва б.). Замонавий когнитив тилшунослик намояндалари (Ж. Лакофф, М. Жонсон, Н.Д. Арутюнова, А.Н. Барапов, Ю.Н. Карапов, В.З. Демянков, Е.С. Кубрякова ва б.) метафора дунёни англаш, тузилмасини қуриш ва тушунтириш усули сифатидаги асосий ментал операция тариқасида ўрганилади (4, 296). Шу тарзда, икки сўзнинг маъносини боғлайдиган метафора тасвирий восита эмас, балки икки тушунчавий сферани бирлаштирадиган ва воқеъликни концептуализациясида манба доиранинг тузилмасини шакллантириш имконини берадиган онгнинг асосий амалиёти (жараёни)дир. Метафора — бу, воқеъликнинг специфик концептуализацияси бўлиб, инсон мушоҳадасини аналогик имкониятларининг намоён бўлиши. Инсон нафакат метафора воситасида фикрлайди, балки метафоралар ёрдамида фикрлайди, улар воситасида ўз дунёсини қуради.

А.Н. Барапов метафорага куйидагича таъриф беради: “икки маъновий комплекс — мазмун /фокус/, манба ва қобик/фрейм/ мақсаднинг ўзаро таъсири натижасида юзага келувчи мураккаб когнитив феномен (2, 18)”. Бу таърифда М. Блек терминологиясига асосланилган, унга кўра “фокус” (фосус) гапда кўчма маънода, яъни

метафорик маънода қўлланган сўз, “рама” (фраме) — “фокус” атрофидаги ўз маъносида қўлланган сўзлар (3, 153–172).

Метафорани яратишда тўртта компонент иштирок этади: обьектларнинг икки категорияси (метафоранинг асосий ва қўшимча субъектлари, улар учун кўйидаги атамалар жуфтлиги қўлланилади, айнан, рама ва метафорик фокус, тема ва контейнер, референт ва коррелят) ҳамда ҳар обьект ёки обьектлар синфига тааллуқли хусусиятлар (4, 296). Метафора обьектларнинг бир синфига хос белгиларни бошқа обьектлар синфига ёки улардан бирига — метафоранинг асосий (долзарб) субъектига мутаносибликда танлайди. Метафорик маъно уч компонентни билишдан келиб чиқади: денотатларнинг икки категорияси ва метафорада тилга олинган денотат характеристикаси. Метафорада иштирок этган денотатлар категориясининг характеристикаси турли тилларда ўзига хос қўринишда бўлади. Одатда, метафора тил эгаларининг ушбу обьектлар категорияси ҳақидаги умумий, хусусан, мифологик, маданий, эмоционал баҳоли коннотацияларини ўз ичига олган тасаввурлари захирасига оид бўлади.

Икки турли денотатлар синфининг ўзаро таъсири метафоранинг асосий белгисини — унинг семантик икки тарафламалигини шакллантиради. Шундай қилиб, метафора тузилмасига икки компонент киради — унинг маъноси (актуал компонент хусусияти) ва унинг ёрдамчи субъекти образи. Масалан, “o ne tilkidir” – “у қанақа тулки” гапи аёл кишига нисбатан қўлланган бўлиб, бунда tilki сўзи ҳайвонлар синфига оидdir. “Тулки” сўзи билан ассоциация қилинадиган ва инсонга нисбатан қўлланиладиган сифатлар (эпчиллик, чапдастлик, чаққонлик, уддабуронлик, зийраклик, ўткирлик, ҳозиржавоблик, айёрлик, тезкорлик ва бошқалар) аниқ одамга нисбатан (метафоранинг актуал субъектига) ишлатилган. Синф учун иккиласми сифатлар йиғиндиси (метафоранинг ёрдамчи субъекти) метафоранинг актуал субъекти моҳиятини англаш учун калит вазифасини ўтайди. Шу сабабли, метафора кўпинча лақаблар, шунингдек, фамилиялар асосида ҳам ётади. Метафоранинг денотатив соҳасининг кенгайиши натижасида унинг маъноси тораяди ва мустаҳкамланади ҳамда тил фактига айланади. Масалан, tilki – айёр одам. Синфлар андозаси бошқа синфда, айни вазиятда одамлар синфида муайян турларни ажратишга имкон яратади. Шу тариқа, турк тилида кўйидаги сўзлар ва маънолар юзага келган: tilkilik – айёрлик, хйла, найранг, хйла-найранг, макр, шайтонлик, маккорлик, қийлагарлик, муғомбирлик; ўйноқилик, шўхлик; қичик, ноз, карашма (бош маъноси – тулкилар кўп бўладиган жой), tilki masali – ёлғон, алдам-калдам иш, алдамчилик, бўлмаган гап, tilkilemek – айёрроқ бўлмоқ, tilki цukusu – ёлғондакам уйқу.

Турк тилининг у ёки бу функционал услубида қўлланилувчи метафоралар ҳам шулар жумласидандир: масалан, талабалар орасида айниқса метафора-жаргонизмлар нутқни янада образли ва ёрқин бўлишига имкон яратади: Bu odunun iki takintisi var (бу довдирнинг (ўтиннинг) икки “думи” бор); aymut – нок (кўчма маънода: аҳмок, бўшбаёв); hiyar – бодринг (кўчма маънода: аҳмок, галварс, каллаварам); kabak – қовоқ, қовоқнинг майда, узунчоқ бир тури (кўчма маънода: ўқимаган оми одам, нодон, жоҳил, билимсиз, бирор соҳадан хабарсиз); balkabağı – ошковоқ (кўчма маънода: эси йўқ одам, аҳмок, тентак, эси паст); kereste – арраланган тахта, ёғоч (кўчма маънода: калтафаҳм, қовоқбош, тўпори, лапашанг ношуд, беўхшов, кўпол, бесўнақай одам); odun – ёғоч (кўчма маънода: калтафаҳм, тўмток, тўнка, каллаварам, галварс, калвак, ландавур, аҳмок, тентак, нодон, меров одам).

Мажбурий метафоралар дейилгандан, предметларнинг асосий номлари (номинациялари) сифатида юзага келган троплар тушунилади: стулнинг оёги, узукнинг кўзи, қозоғ вараги. Г.Н. Скляревская метафоранинг яна бир типи – генетик метафорани ажратадики, бу метафора мажбурий ёки лисоний метафора сифатида ўргага чиқади. Тилшуноснинг эътирофича, метафора тилда узоқ вақт истеъмолда бўлгач ёки мавҳум тушунча (соатнинг юриши, исённинг бостирилиши)га айланади ёки бирламчи образ билан алоқасини йўқотиб номинатив бирликка айланади (узукнинг кўзи, пичокнинг учи ва б.). Генетик метафора бирламчи метафорикликни, ҳозирги замон тилидаги образлиникнинг йўқолганлигини ва манба сўз билан алоқанинг узилганлигини ифода этади (13, 41). Бироқ мажбурий метафораларда ҳам муайян маданиятнинг бирор жиҳати ўз ифодасини топади. Масалан, рус тилида бир-бирига мурожаат учун солнышко – қўёшкон, қўёшча метафорасини қўллашади. Россияда қишининг узоқ давом этишини ҳисобга олсак, бу метафоранинг юзага келиш сабаби аён бўлади. Яъни қўёш кам кўринган, кам иситган худуд бўлганлиги сабабли ҳам қўёш ўта қадрли ҳисобланади ва шу сабабли қалби учун яқин бўлган, севган одамлари учун айни мурожаат сўзи сифатида ишлатилади. Албатта, русларнинг сочи сариқ, яъни қўёш рангидан бўлиши ҳам иккинчи сабабдир. Ўзбек тилида бу ифода йўқ бўлса-да, офтобим метафораси мавжуддир. Бу метафора асосан онага нисбатан ишлатилади: офтобим-онам шаклида. Бу ўринда онанинг ҳам, офтобнинг (қўёшнинг) ҳам ягоналиги, инсон хаётига нур сочиб туриши асос олинган.

Кўплаб тадқиқотчилар лисоний ва образли (поэтик, бадиий, индивидуал муаллифлик) метафораларни семасиологик ва стилистик тадқиқотларнинг турли обьектлари сифатида эътироф этишади. Г.Н. Скляревскаянинг таъкидлашича, мазкур тадқиқотларда метафоранинг икки типини — бадиий метафора ва лисоний метафора тилнинг бошқа ҳодисаларидан ажратиб олиниб тавсифланганда, дарров унинг иккىёклами моҳияти — тил воситаси ва поэтик фигуралиги ҳақидаги масала майдонга чиқди (13, 30).

Лисоний метафора, шундай метафора турики, кўпинча уларни оддий сўзлар фигуранг мазмунга эгалигини хотирамизда сақламай туриб нутқда қўллаймиз (13, 31). Лисоний ва бадиий метафораларнинг ўртасидаги муносабат турлича изоҳланади. Айрим тадқиқотчилар уларни бир-бирига қарама-қарши қўяди, бошқа тадқиқотчилар узвий алоқадаги бирлик деб талқин этишади (6, 121).

Лисоний метафора ва унинг таржимада берилишига мисол: Турк тилида вақтни хуш, вақтичоғлик билан ўтказиш маъносида *eğlenmek* феълини ишлатишади. Бу феълдан ясалган *eğlence* сўзи эса вақтни нашъали, хурсандчилик билан ўтказадиган нарсага ёки жой, йиғилиш, зиёфатга нисбатан ишлатилади. Р.Н. Гунтекин *gönül eğlencesi* бирикмасини йигит ва қиз ўртасидаги муносабат, ошиқ-мошиқликни ифодалаш учун ишлатади. Таржимон бу ўринда ўзбек тилининг имкониятидан фойдаланиб, эрмак сўзини қўллайди. Эрмак ҳам вақтни қўнгилчоғлик билан, зерикмай ўтказиш учун хизмат қиласиган ҳар қандай нарса, машгулотга нисбатан ишлатилади. Демак, асл матндаги *gönül eğlencesi* бирикмасини беришда “қўнгил эрмаги” деб сўзма-сўз таржима усулидан фойдаланилади. Натижада, ўзбек тилидаги эрмак сўзининг ҳам янги метафорик маъноси шаклланади. Чунки ўзбек тилида муҳаббат билан боғлик бундай муносабатлар “ўйин” сўзи орқали бериладики, таржимон бу сўзнинг имкониятидан ҳам самарали фойдаланган.

Қиёсланг:

“Bu aşk değil Kınalı Yapıncak... Biraz ince bir gönül eğlencesi, bir heyecan oyuncası...” (7, 42).

“Бу севги эмас, бу савдо эмас, Чарос... Бир оз нозик бир кўнгил эрмаги, бир ҳаяжон ўйинчоги...” (8, 38).

“Bu üç aylık küçük eğlence bütün bir hayatı baştan başa kaplayan uzun, derin aşklardan daha tatlıdır...” (7, 47).

“Ламиа... Лекин бу кўнгил ўйинлари бутун бир ёз бўйи бизни севгидан ҳам зиёда масъуд этди” (8, 44).

Таржимон, бундан ташқари, айни маънода “кўнгил хурсандчилиги” бирикмасини ишлатадики, бу қўлланилиши ҳам таржимон маҳорати сифатида баҳолаш мумкин. Чунки турк тилининг стилистик имконияти “масум бир gönül eğlencesi” (маъсум, беайб, пок кўнгилхушлик) таъбирини қўллашга изн беради. Аммо ўзбек тилида сўзма-сўз таржимада стилистик ноқислик пайдо бўлади. Шу сабабли, таржимон берилган метафорани “масъум кўнгил хурсандчилиги” шаклида ўгириб тўғри йўл тутади:

“Şimdi kendi dudaklarla bana cevap ver... Beni sevmiyorsun değil mi? Bu, sadece masum bir gönül eğlencesinden ibaret” (7, 22).

“Энди ўз дудоқларингла менга жавоб бер... Мени севмайсан, шундай эмасми, Ламиа? Бу шунчаки маъсум бир кўнгил хурсандчилигидан иборат...” (8, 32).

Р.Н. Гунтекин ошиқ-мошиклик муносабати маъносида вазиятга мос равишда heyecan oyuncası metaforasiga мурожаат қиласди. Яъни қиз ва йигит ўргасидаги яқин муносабат ҳаяжон ўйотишини назарда тутиб, шу билан бирга, бу алоқанинг юзаки, сохта эканлигига китобхон эътиборини қаратиш учун “ҳаяжон ўйинчоги”дай баҳоланади. Бу ўринда ўйинчоқ сўзининг ўзбек тилида ҳам кўчма маънода ишлатилиши боис, таржимоннинг таржимаси ёзувчи ғоясини тўла ифодалаган, дейиш мумкин.

Бадий метафора билан лисоний метафоранинг мутаносиблиги масаласи икки тарзда ҳал қилиниши мумкин: улар иккаласи бир объект сифатида ўрганилиши мумкин ёки уларнинг ўргасида шунчалик катта фарқ борки, ҳар иккови алоҳида мустақил объект сифатида тадқик этилиши мумкин. Тилдаги метафора ва бадий метафоранинг семантик жараёнлари тамойиллари нуқтаи назаридан ўхшаш эканлиги, уларнинг қўлланилиш доираси ўзаро бир-бирига кесишувчи бўлганлиги ҳамда бу икки метафора ўргасида ўтиб бўлмайдиган чегаранинг йўқлиги уларни бир объект сифатида ўрганиш имконининг мавжудлигини кўрсатади (1, 147–174).

Лисоний ва бадий метафораларни қарама-қарши қўйиш жараёнида шу ҳолатни таъкидлаш мумкинки, лисоний метафорада ассоциатив алоқалар объектив бўлиб, сўзловчининг индивидуал дунёқарашини ва тилдаги тажрибаларини акс эттиради, шу туфайли улар субъектив ва умумий билимга нисбатан тасодифийдир (14, 192–194).

Бадий ва лисоний метафораларнинг лексик мавқенини эътиборга олсак, улар ўргасида катта тафовут мавжуд. Лисоний метафора — анчагина бемалол тарзда семантик муносабатга киришадиган мустақил лексик бирлик, бадий метафора ҳар доим контекст билан боғлиқ бўлиб, лексик мустақилликка эга эмас (1, 167–174).

Шунингдек, лисоний ва бадий метафора фарқ метафорик маънонинг семантик структураси даражасида ҳам кузатилади. Лисоний метафоранинг лексик маъноси типик схемаларини

тузиш ва структурлаштириш мумкин, айни чоғда ҳар бир бадиий метафора ягона ва тақрорланмасдир.

Бадиий метафорага бир мисол келтирайлик: Рашод Нури Гунтекиннинг “Dudaktan Kalbe” романи ўзбек тилига Миразиз Аъзам томонидан “Мұхабbat Симфонияси” шаклида ўгирилиб чоп этилган. Бу романнинг бош қаҳрамони — Ламиага нисбатан ёзувчи узум навининг номи – “Kınlı Yapıncak” (хиноли ёпинчик) бирикмасини ишлатади:

“— İstanbul'un kınlı yapıncağından istemez misiniz Kenan Bey?

Bu suali Nimet Hanım gülerek sormuştı. Dolabin ağır iniltilerini dinleyerek yavaş yavaş gözlerim kapayan Kenan, başını çevirmeden cevap verdi:

— Rica ederim, bana artık üzümden bahsetmeyin Nimet Hanımfendi...

Nimet Hanım, daha manalı bir surette gülüyordu:

— Benim Kınlı Yapıncak'ımı görürseniz söylediğinize pişman olacaksınız...” (7, 22).

Таржимада “Kınlı Yapıncak” узум нави номи учун “Чарос” сўзини кўллашни маъкул кўради:

— Истанбулнинг Чаросидан татиб қўрмайсизми, Канонбей?..

Кулатуриб бу савонни берган Неъматхоним эди. Кудук чигирининг оғир ғижир-ғижирларини бир оз ғашланиб эшитган, аста-аста кўзларини юмиб олаётган Канон бошини ўгирмасдан жавоб берди:

Илтимос, менга ортиқ узумдан гап очманг, Неъматхоним афанди...

Неъматхоним маънолироқ бир суратда кулар эди:

— Менинг Чаросимни кўрсангиз, айтган гапингизга пушаймон бўласиз...” (8, 29).

Р.Н. Гунтекин Неъматхонимнинг тили билан Ламиани нима учун “Kınlı Yapıncak” деб чакирилишини изоҳлайди:

“Бу кўчук Истанбул кізина байлёрум, Кенан Бей... Не ширин дедилми? Ниçин она Kınlı Йapıncak дедиими табиî анладініз? (Пармағийе гўзлеринин алтина, кирпиклерине докунуёrdу). Шу қиллере бакін... Кадінлар бундан ёлым гиби коркар... Ҳалбуки Lâmiânnin янакларіна не кадар яраşёр, Истанбулъун şеффаф дерилери кіrmizîmsî бенеклерле лекели кіналı япіnsakларіna бензиёр...” (7, 23).

“— Бу кичик Истанбул қизига қаранг, одам деган ҳам шунчалик чиройли бўладими, Канонбей... Жудаям ширин-а, тўгрими? Нега уни Чарос деганимни тушунган бўлсангиз керак? (Бармоғини кўзларини остига, кипригига теккизарди). Мана бу сепкилларга қаранг... Хотинлар бундан ўлимдан қўрқандай қўрқадилар... Ҳолбуки, Ламианинг янокларига шунчалик ярашганки... Истанбулнинг шаффоф терили, қорага яқин қизғимтири холли чаросларига ўхшайди...”(8, 32).

Ўзбек тилида чарос сўзи эрта пишар, қора юмалоқ узум турига нисбатан ишлатилади. Шу билан бирга, чарос кўз қора кўз маъносини ҳам билдиради. Бундан ташқари, ўзбек тилида Чарос атоқли от сифатида қизларга нисбатан ишлатилади. Ёзувчи таърифига кўра, Ламиа оқ-сариқдан келган қиз, чунки муаллиф Ламианинг қалин, сикиб ўрилган сариқ соchlарини, күёшдан куйган очиқ манглайнини таъкидлайди. Кенаннинг назарида Ламианинг қўринишига дикқат қиласиз: “Канон улардан узокроқда турар, енгил кулимсираб Ламиага боқарди. Нозли сиймоси, очиқ яшил сузгун кўзлари, узун гап кўтармайдиган бурни бор эди. Қўёш нозик, тиниқ терисига заррин бир ёниқлик берган, ёнокларининг кўзларига яқин жойларини билинрабилинмас сепкил босганди”. Бу ўринда қўрамизки, таржимон, бир томондан, Ламиа учун лақаб сифатида ўзбек тилида мавжуд бўлган узум номини ишлатади, лекин, афсуски, бу метафора том маънода ўзини оқламайди.

**Хулоса.** Янги юз йилликда тилшунослик соҳасида юзага келган тадқиқот йўналишлари аввалдан анъанавий тилшунослик доирасида тадқиқ этилган тил ҳодисалари ва тил бирликларини бошқа нуқтаи назарлар ва мезонлар асосида ўрганишга кенг йўл очди. Натижада маъно кўчиши усулларидан бири ўлароқ, таҳлил этилган метафорани ҳам миллий дунёқарашнинг инъикоси сифатида ўрганиш имконини яратди. Метафорани маълум бир миллатнинг дунёқарашини акс эттирувчи унсурлардан бири сифатида баҳоланиши таржимонлар зиммасига яна бир муаммони — метафораларни таржима тилида қайтадан яратиш масаласига янада жиддийроқ ёндашиш масаласини қўяди.

Турли тиллардаги образлар тизимидағи ўхшашликлар, муаллиф образли ифодалари, окказионал сўз қўллашларининг сўзма-сўз бериш имкони мавжудлиги таржимон ишини анчагина енгиллаштиради. Шу билан бирга, айни пайтда асарнинг образли ифодалари тизими таржимонда энг кўп қийинчилик туғдирадиган соҳаси бўлиб, таржиманинг сифати мутаржимнинг сезиш, тасаввур қилиш қобилиятига тўла боғлиқ бўлади. Ҳар бир образ индивидуал, тақрорланмас, ўзига хос бўлганлиги сабабли алоҳида ёндашувни талаб этади. Таржимоннинг бу вазифаси яна метафоранинг аслида тилдан ташқарида мавжуд бўлган, фақат мулоқотда реаллашадиган тил эгаларининг концептуал тизими, уларнинг меъёрий қарашлари, тасаввурлари, баҳолаш мезонлари билан узвий алоқада эканлиги билан мураккаблашади. Метафора — авваламбор, дунё ҳақидаги мушоҳаданинг сўз шакли бўлиб, тил лугат фондини бойитиш усули ҳисобланади.

Асл матн ва таржима тиллари ўртасидаги грамматик ва лексик фарқлар, таржима тилининг маълум меъёрларига амал қилиш зарурияти кўпинча таржимонни асл матннаги компонентлардан воз кечиб, уларга муқобил келувчи бирликларни излашга мажбур қиласди. Бу вазифани, агар ҳар икки тилдаги образларнинг функционал характеристикаси мос келса, бажариш мумкин. У ҳолда образли ифодани таржимада сақлаб қолишининг имконияти мавжуд ва мақсадга мувофиқ. Аммо кўпинча тил меъёрлари “ёзилмаган чегаралар”ни қўяди. Одатда, бу вазият, образли ифодани бошқа тилда қайта яратишда, когнитив аспект эмоционал-экспресив ёки директив вазифа билан мутаносиб келмагандага юзага келади. Бундай номутаносиблик вужудга келганида, образли ифодани, хусусан, метафорани трансформациялаш ёхуд уларнинг бирон-бир вазифасидан воз кечиш зарурияти туғилади.

Таржима жараённида метафорани тушуниш муаммоси юзага келишига шубҳа йўқ. Чунки таржимон тўғри тушунган фикрини таржимада ифодалаб бериши, чет тилидаги муаллиф матнини айнан идрок этиб, муаллиф гоясини етказиб бериши керак. Анаъанавий тарзда таржимани когнитив ва психолингвистик ёндашувлар нуқтаи назаридан ўрганиш унинг бир тил белгиларидан бошқа тил белгиларига “шунчаки” ўтказиш, айлантириб қўйиш эмас, балки нутқий фаолиятнинг, фикрни қайта яратишининг алоҳида тури эканлигини кўрсатди. Шу тариқа, таржима бирламчи матнни тушунишга асосланган когнитив фаолият тарзида майдонга чиқади. Шу сабабли, бизнингча, тиллар семантикасидаги ўзига хосликни ўрганиш эмас, балки англаш жараённида матннинг миллий ўзига хослигини аниқлаш муҳим аҳамият касб этади. Китобхон таржима жараённида унинг концептуал тизими учун муҳим бўлган компонентларни ажратади.

Малакали таржимон вазифаси муаллиф гоясини, муаллифнинг реаллик бўлагини кўришидаги шахсий ўзига хослигини, хусусан,

метафорик тасаввурини қайта яратиб беришдан иборат. Бу мақсадга эришиш учун асл матннаги барча компонентларнинг тузилмавий-мантиқий алоқаларини тушуниш ҳамда таржимада уларни ифодалаш мухим аҳамиятга эга. Тажрибали таржимон муаллиф мақсадини айнан акс эттиришга ҳаракат қилиши, демак, матннинг тузилмавий-мазмуний алоқаларини ҳамда мутаносиб ментал мазмунни актуаллаштиришга интилиши керак.

### **Фойдаланилган адабиётлар**

1. Арутюнова Н.Д. Язык и мир человека. — Москва: Наука, 1999. — 896 с.
2. Баранов А.Н. Очерк когнитивной теории метафоры // Баранов А.Н., Караулов Ю.Н. Русская политическая метафора (материалы к словарю). — Москва: Ин-т русского языка РАН, 1991. — 321 с.
3. Блэк М. Метафора. Теория метафоры. — М., 1990. — С. 153–172
4. Большой энциклопедический словарь. Языкоzнание. Гл. ред. Ярцева В.Н. — Москва: Большая российская энциклопедия, 1998. — 685 с.
5. Вежбицкая А. Семантические универсалии и описание языков. — Москва: Язык русской культуры, 1999. — 776 с. — URL: <https://search.rsl.ru/ru/record/01000598629>
6. Григорьев В.П. Поэтика слова. — Москва: Наука, 1979. — 343. — URL: <https://search.rsl.ru/ru/record/01007621182>
7. Güntekin R. N. Dudaktan Kalbe. — Ankara: TDK, 1992. — 122 б.
8. Гунтекин Р.Н. Мұхаббат симфонияси / Таржимон: Миразиз Аъзам — Тошкент: Ғафур Ғулом нашриёти, 2011. — 154 б.
9. Залевская А. А. Понимание текста: психолингвистический подход. — Калинин: Калинин. гос. ун-т, 1988. — 95 с. — URL: <https://search.rsl.ru/ru/record/01001445681>
10. Камалиева А. К вопросу о способах передачи турецкой лексики, содержащей фоновую информацию на русский язык / Таржимашунослар форуми. — Тошкент: Тошкент давлат шарқшунослик университети, 2019. — С. 144–150.
11. Камалиева А. К вопросу о лингвостилистической характеристики рекламного текста/ Ўзбекистон-Хитой алоқалари янги босқичда: тарихий-маданий, илмий ва иқтисодий алоқалар ривожи. — Тошкент: Тошкент давлат шарқшунослик университети, 2019. — С. 97–100.
12. Новиков А.И. Семантика текста и ее формализация. — Москва: Наука, 1983. — 215 с.
13. Скляревская Г.Н. Метафора в системе языка. — Москва: Наука, 1993. — 150 с.
14. Телия В.Н. О номинативном аспекте лексической семантики // Проблемы значения в современной лингвистике. — Москва: Наука, 1977. — С. 125–137

### **References**

1. Arutyunova N.D., *Yazyk i mir cheloveka* (Language and the human world. Moscow: The science, 1999. 896 p.
2. Baranov A.N., *Ocherk kognitivnoi teorii metafory* (An essay on the cognitive theory of metaphor), Moscow: Russian language Institute of the Russian Academy of Sciences, 1991. 321 p.
3. Blek M., *Metafora. Teoriya metafory* (Metaphor. Metaphor theory), Moscow, 1990. pp. 153–172
4. *Bol'shoi entsiklopedicheskii slovar'. Yazykoznanie. Gl. red. Yartseva V.N.* (Large encyclopedic dictionary), Linguistics, ed. Yartseva V. N., Moscow: Big Russian encyclopedia, 1998. 685 p.

5. Vezhbitskaya A., *Semanticheskie universalii i opisanie yazykov* (Semantic universals and description of languages), Moscow: language of Russian culture, 1999. 776 p.  
Available at: <https://search.rsl.ru/ru/record/01000598629>
6. Grigor'ev V.P., *Poetika slova* (Poetics of the word), Moscow: The science, 1979. 343. Available at: <https://search.rsl.ru/ru/record/01007621182>
7. Güntekin R. N., *Dudaktan Kalbe* (Lip to Heart. Ankara), Ankara: TDK, 1992. 122 p.
8. Guntekin R.N., *Muhabbat simfoniyasi / Tarzhimon: Miraziz A"zam* (Symphony of love / translator: Miraziz Oyzam), Tashkent: Gafur Gulom publishing house, 2011, 154 p.
9. Zalevskaya A. A., *Ponimanie teksta: psikholingvisticheskii podkhod* (Understanding text: a psycholinguistic approach), Kalinin: Kalinin State University 1988, 95 p., available at: <https://search.rsl.ru/ru/record/01001445681>
10. Kamalieva A. *K voprosu o sposobakh peredachi turetskoi leksiki, soderzhashchei fonovuyu informatsiyu na russkii yazyk / Tarzhimashunoslar forumi* (On the question of ways to transfer Turkish vocabulary containing background information into Russian. Trinasolar of forumi. Tashkent: Tashkent State University of Oriental Studies, 2019, pp. 144–150.
11. Kamalieva A., *Uzbekiston-Khitoi aloqalari yangi bosqichida: tarikhii-madanii, ilmii va iqtisodii aloqalar rivozhi* (Uzbek-Chinese relations are at a new stage: the development of historical, cultural, scientific and economic relations), Tashkent: Tashkent State University of Oriental Studies, 2019, pp. 97–100.
12. Novikov A.I., *Semantika teksta i ee formalizatsiya* (Text semantics and its formalization), Moscow: The science, 1983, 215 p.
13. Sklyarevskaya G.N., *Metafora v sisteme yazyka* (Metaphor in the language system), Moscow: The science, 1993, 150 p.
14. Teliya V.N., *Problemy znacheniya v sovremennoi lingvistike* (Problems of meaning in modern linguistics), Moscow: The science, 1977, pp. 125–137.